

UNIMAS-UUM kerjasama sediakan Pusat Internet 1Malaysia

on 02 March 2015.



UNIMAS-UUM kerjasama sediakan Pusat Internet 1Malaysia

KOTA SAMARAHAN, 2 Mac 2015 : Majlis menandatangani Memorandum Perjanjian (MoA) di antara Institute of Social Informatics and Technologies Innovation-Universiti Malaysia Sarawak (ISITI-UNIMAS) dan Pusat Kecemerlangan International Telecommunication Union-Universiti Utara Malaysia (UUM) berkaitan Pusat internet 1 Malaysia (PI1M) telah diadakan baru-baru ini.

Majlis yang berlangsung di UUM Sintok, Kedah itu menyaksikan majlis menandatangani MoA di antara wakil UNIMAS, Naib Canselor, Profesor Datoâ€™™ Dr Mohamad Kadim Suaidi dengan wakil UUM, Naib Canselor, Profesor Datuk Wira Dr Mohamed Mustafa Ishak.

MoA tersebut berkaitan dengan usaha untuk memperkasa staf PI1M seperti kerjasama dalam penyediaan program latihan pengurusan, pemasaran, keusahawanan dan ICT kepada pengurus dan penolong pengurus PI1M.

Sehubungan itu, UNIMAS akan menjalankan program latihan di Sarawak manakala UUM akan menguruskan latihan yang sama di Kedah.

PI1M melibatkan enam pusat iaitu masing-masing tiga di Kedah iaitu di Sungai Dalam, Bukit Besar dan Kuala Sala manakala baki adalah di Sarawak iaitu di Kampung Skio, Kampung Bogag,Bau dan Kampung Tanjung Bowang, Singai.

Pusat Internet 1Malaysia (PI1M) merupakan satu program Suruhanjaya Komunikasi dan Multimedia (MCMC) bagi menyediakan capaian internet jalur lebar secara kolektif di 100 buah kawasan Program Perumahan Rakyat seluruh negara.

MoA tersebut dilihat bukan sahaja sebagai latihan kepada staf tetapi juga membuka peluang kepada penduduk untuk menceburi bidang perniagaan dengan pemasaran produk menerusi internet.

Profesor Dato' Dr Mohamad Kadim berkata latihan staf PI1M adalah untuk memastikan staf PI1M dapat menguruskan pusat internet setempat sekaligus dapat menarik komuniti untuk terlibat sama dalam program berkenaan.